

# الشاعر سعيد دويك يكتب في رثاء دكتور صفوت خليل : سلاحه عمره جاهز .. كلمته هي السلاح



الجمعة 27 سبتمبر 2013 12:09 م

جوة سجنه من سكات  
الطبيب المريض  
ابو رجل واحدة  
بس كان عمره  
واقف ثبات  
سلاحه عمره جاهز  
كلمته هي السلاح  
عاش طول عمره عايز  
وطن مش مستباح  
راجل عجوز وعاجز  
بألف م العاهات  
م اللي باعوا واللي خافوا  
اللي سكتوا لما شافوا  
جثثنا ع الجرافات  
مات بس عاش  
وحلمه مانتهاش  
اوانه لسة مجاش  
ارتاح بقي يا والدي  
كفاية اللي فات  
وانت نايم في الكفن  
بُص بصة ع الوطن  
شوف ولادك  
في المدارس  
بصة اخيرة تتأكد  
ان النصر آت  
سعيد دويك